

«Шерлі жылдар шежіресі»



Осындай атаумен «Дала өлкесі тарихы» облыстық музейі ақын, қоғам және дін қайраткері Ф.Сатыбалдыұлының 135 жылдығына арналған еске алу кешін өткізді.

Файзолла Сатыбалдыұлы заманынан қанша теперіш көрсе де қазақ халқын сүйюден танбай өткен текті перзенттерінің бірі. Торғай өңіріне дінің таралуына сіңірген еңбегі, ел басына нәубет туған қылы кезеңдердегі ел үшін атқарған еңбектері ел жадында.

Қуғын - сүргін көріп жазықсыз жапа шеккен ақын азапты жылдарды басынан өткере жүріп «Ұзақ жол», «Тасмешін», «Тоқымбет - Гүләйім», «Адамнат шежіресі», «Өз өмірім», «Ахәби» дастандарын дүниеге әкелген.

Кеңестік заманның күрмеуінде қалған Файзолла ақынның шығармалары еліміз тәуелсіздігін алғаннан кейін жасындай жарқ етіп, баспа беттерін көре бастады. Жергілікті қаламгерлердің қолдауымен «Тоқымбет - Гүләйім», Ай, заман - ай, заман - ай», «Шерлі жылдар, шерулі жылдар» жыр кітаптары жарық көрді. Жақында ғана «Көкірегім алтын

көмбе» атты кітабы басылып шықты. Ақынның мұрасын бүгінгі ұрпаққа жеткізу ісінде жергілікті ақын Ғазез Әмірхамзиннің сіңірген еңбегі зор.

Ақынның әдеби мұрасы жайында белгілі жыр сүйейлері Назарбек Бектемісов, Серікбай Оспанов, Айбек Қалиев сынды зерттеуші ғалымдар қарастырған.

Тағылымды кешке Сатыбалды ищаның ұрпағы Рамазан Зияуитденов, Аманкелді ауданынан «Сатыбалды ищан» атындағы «Тәубә» мешітінің намамы Жандарбек Мүбаракұлы, аудандық мәдениет бөлімінің басшысы Сағынғали Зәкірұлы, кітапхана басшысы Көркем Амантайқызы, меші Айтан Сейдахметов, Арқалық қаласы әкімінің орынбасары Түбекбай Әубәкіров, ел ақсақалдары Кәки Ақан, Еркін Қожахметов, айтыскер ақын Айбек Қалиев, тарихшы Баубек Аймаханұлы қалалық мәдениет бөлімінің басшысы Жанат Әсмерқызы, театр директоры Нұрлыбек Сапабекұлы және қаладағы оқу орындарының басшылары, мәдениет және өнер қызметкерлері, БАҚ өкілдері, студент - жастар қатысты.

Шара барысында ақынның жаңа кітабының тұсаукесері жасалып, шығармалары кеңінен насихатталды.

«Торғай - ақпарат»